


滑齋醫學叢書十四種

半
凝山人參訂

沈氏女科輯要



堯封沈氏所著醫經讀傷寒論讀簡明切當尤為善本尚有女科輯要一書世罕傳本原稿為余外舅徐虹橋先生補注珍藏先生早歸道山余受室後得見其書頗多入理深談發前人所未發者今年楊素園明府聞有此稿命為借鈔余謂婦兄友珊曰君子之孝也亦務其大者遠者而已實守遺編莫若傳諸不朽友珊許焉爰不揣鄙儻稍加參訂而公諸世云

道光庚戌仲冬棘人王士雄書于潛齋

女科輯要目次

女科輯要目次

卷上

經水

崩漏

帶下

求子

受胎

辨胎

妊娠諸病

附妊娠藥禁

附秦西諸說

卷下

產

產後諸病

乳證

雜病

諸方

女科輯要卷上

增王士雄孟英參

沈堯封先生輯

錢塘後學徐政杰藹輝補注

男之藩友珊校

經水

素問女子七歲腎氣盛齒更髮長二七而天癸至任脈通太衝脈盛月事以時下沈按天癸是女精由任脈而來月事是經血由太衝而來經言二七而天癸至緣任脈通斯時太衝脈盛月事亦以時下一順言之一逆言之耳故月事不調不來及崩是血病咎在衝脈衝脈隸陽明帶下是精病咎在任脈任脈隸少陰蓋身前中央一條是任脈背後脊裏一條是督脈皆起於前後兩陰之交會陰穴難經明晰靈素傳誤帶脈起於季脇似束帶狀人精藏於腎腎繫於腰背精欲下泄必由帶脈而前然後從任脈而下故經言任脈為病女子帶下。

雄按俞東扶云經言男子二八而腎氣盛天癸至精氣溢滿若天癸即月水丈夫有之乎蓋男女皆有精易謂男女構精可據然指天癸為精亦不妥天癸為精不當又云精氣溢滿矣後賢講受孕之道有陽精陰血先至後衝等說亦謬夫男女交接曾見女人

有血出耶。交接出血是病。豈能裏精及為精所裏哉。大約兩情歡暢。百脈齊到。天癸與男女之精偕至。斯入任脈而成胎耳。男胎女胎則由夫婦之天癸有強弱盈虛之不同也。吾友徐亞枝云。如沈氏說。一若天癸即精者。如俞氏說。一若血與精之外。別有一物所謂天癸者。竊謂天癸者。指腎水本體而言。癸者水也。腎為水臟。天一生水。故謂腎水為天癸。至謂至極也。猶言足也。女子二七。男子二八。腎氣始盛。而腎水乃足。蓋人身五臟屬五行。惟腎生最先。而腎足最遲。腎衰最早。故孩提能悲能喜。能怒能思。而絕無慾念。其有情竇早開者。亦在腎氣將盛。天癸將至之年。可見腎氣未盛。癸水未足。則不生慾念也。迨腎氣衰矣。癸水絕則慾念自除矣。解此段經文者。當云女子必二七。而腎水之本體充足。任脈乃通。太衝之脈始盛。月事因而時下矣。夫前陰二竅。漏之由水竅者。無論矣。其由精竅者。皆原於天癸者也。月水雖從衝脈下。謂為天癸之常可也。洩精成孕。是任脈之施受。謂為天癸之能可也。帶下乃任脈之失擔。任謂為天癸之病可也。然則稱月水為天癸。似亦無不可也。前賢解此。皆重讀上二字。而畧下一字。惟將至字。當作來字看。遂至議論紛紜耳。

王水曰。男以氣運。故陽氣應日而一舉。女以血滿。故陰血從月而一下。

月事不調

素問天地溫和則經水安靜天寒地凍則經水凝泣天暑地熱則經水沸溢卒風暴起則經水波湧而隴起

褚澄曰女子天癸既至踰十年無男子合則不調未踰十年思男子合亦不調不調則舊血不出新血誤行或漬而入骨或變而為腫或雖合而難子合多則憑枯虛人產乳眾則血枯殺人

雄按此論甚不盡然存其意可也惟產乳眾而血枯卒死者頗多然吾鄉吳醞香大令之夫人半產三次不計外凡生十男四女並已長成而夫人年踰五旬精力不衰猶能操家政而撫馭麾下也

方約之云婦人不得自專每多忿怒氣結則血亦結

雄按此至言也氣為血帥故調經必先理氣然理氣不可徒以香燥也蓋鬱怒為情志之火頻服香燥則營陰愈耗矣

趙養葵云經水不及期而來者有火也宜六味丸滋水如不及期而來多者加白芍柴胡海螵蛸如半月或十日而來且綿延不止者屬氣虛宜補中湯如過期而來者火衰也六味加艾葉如脈遲而色淡者加桂此其大略也其間有不及期而無火者有過期而有火者不可拘於一定當察脈視稟滋水為主隨證加減

雄按婦人之病雖以調經為先第人秉不同亦如其面有終身月汎不濟而善於生育者有經期極準而竟不受孕者雄於女科閱歷多年見聞不少始知古人之論不可盡泥死妄之藥不可妄施也

辨色及痛

趙養葵曰。衝任藏經系胞又恃一點命門之火為之主宰。火旺則紅火衰則淡。火太旺則紫。火太衰則白。所以滋水更當養火。甚有乾枯不通者。雖曰火盛之極亦不宜以苦寒之藥降火。祇宜大補其水。從天一之源以養之使滿。又曰。紫與黑色者多屬火旺亦有虛寒而黑色者。不可不察。若淡白則無火矣。

沈按王宇泰以寒則凝既行而紫黑定非寒證。然投熱藥取效十中嘗見一二色白無火亦屬近理。然間有不宜補火者。嘗見元和一婦經水過期十日方至。色淡穩婆據此投肉桂藥數劑。經水過多遍身發黃不能飲食。身熱脈數竟成危候。此是丹溪所謂經水淡白屬氣虛一證。要之臨證時須細察脈象復參旁證方識虛實寒熱儻有疑似證中有兩證者先用其輕劑如色淡一證先用補氣法不效再投補火庶無差誤錄葉氏辨證於左。

葉氏曰。血黑屬熱此其常也亦有風寒外乘者十中嘗見一二蓋寒主收引小腹必常冷

痛經行時或手足厥冷。唇青面白。尺脈遲而微。而虛或大而無力。熱則尺脈洪數。或實有力。參之脈證為的。

雄按色淡竟有屬熱者。古人從未道及。須以脈證互勘自得。但不可作實熱論而濫以苦寒也。更有奇者。方氏婦產後經色漸淡數年後竟無赤色。且亦結塊平時亦無帶下。人日冠羸。余訖之脈與數口苦。而時有寒熱。與青蒿白微黃檗柴胡當歸鳖甲龜板芍藥烏鵲枸杞地骨皮等藥出入為方。服百劑而愈。此僅見之證矣。

滑伯仁曰。經前脣腹絞痛。寒熱交作。下如黑豆汁。兩尺脈濤餘皆弦急。此寒濕搏於衝任。寒濕生濁。下如豆汁。與血交爭。故痛宜辛散苦溫血藥。

朱按辛散血藥是川芎之類。苦溫血藥是艾葉之類。

李氏曰。經水帶黃混濁者。濕痰也。

丹溪曰。經將行而痛者。氣之滯也。用香附青皮桃仁黃連。或用抑氣散。四物加胡索丹皮條芩。又曰。經將來腹中陣痛乍作乍止者。血熱氣實也。四物加川連丹皮。

杰按抑氣散出嚴氏。條芩附四兩。陳皮一兩。茯神災甘草兩半也。為末。每服二錢。治婦人氣盛於血。變生諸證。頭暈膈滿。取內經高者抑之之義。汪昂謂是方和平可用。若補血以平陽火。亦正治也。

又經後作痛者氣血俱虛也宜八珍湯。
又成塊者氣之凝也。

沈按經前腹痛必有所滯氣滯脈必滯寒滯脈必滯兼寒兼熱當參芍證至若風邪由下部而入於脈中亦能作痛其脈乍大乍小有時隴起葉氏用防風荆芥桔梗甘草虛者加人參各一錢焙黑取其入血分研末酒送神效

又按經前後俱痛病多由肝經而其中更有不同脈弦細者是木氣之鬱宜逍遙散及川棟小茴橘核之類脈大者是肝風內動體發紅塊者是肝陽外越俱宜溫潤戴禮亭室人向患經前後腹痛連及右足體發紅塊脈大右闊尺尤甚已卯秋予作肝風內動治用生地四錢炒枸杞一錢細石斛二錢杜仲二錢乾淡蘆荳一錢麥冬一錢牛膝一錢歸身一錢五分炒白芍一錢服之痛止後於經前後數劑經來甚適不服即痛因作丸服此方屢用有驗

經來聲啞證荀恒大兄長女嫁斜塘倪姓早寡體氣虛弱每逢月事聲音必啞予用天冬地黃蕤英歸身等藥病益甚張口指畫毫無一字可辨即於此方加細辛少許以通少陰之絡藥纔入口其聲即出十餘劑後桂附八味九調理永不發

撮要經後目暗屬血虛

汪石山曰。經行泄瀉屬脾虛多濕宜參苓白朮散。

雄按亦有肝木侮土者。

繆氏云。經行白帶屬陽虛下陷用麥朮助陽之藥。

雄按亦有鬱火內盛者。

月事不來

素問二陽之病發心脾有不得隱曲。女子不月其傳為風消。其傳為息奔者死不治。

沈按二陽指陽明經言。不指臟腑言。二陽之病發心脾者。陽明為多血之經。血乃水穀之精氣。藉心火煅煉而成。憂愁思慮傷心因及其子。不嗜飲食。血無以資生。陽明病矣。經云前陰總宗筋之所會。會於氣街而陽明為之長。故陽明病則陽事衰而不得隱曲也。太衝為血海並陽明之經而行故陽明病則衝脈衰而女子不月也。

雄按經水固以行月為常。然陰虛者多火。經每先期陰愈虛行愈速。甚至旬日半月而一行。更有血已無多而猶每月竭蹶一行者。其涸也可立而待也。若血雖虛而火不甚。熾汎必愆期。此含蓄有權。雖停止一二年。或竟斷絕不行。但其脈不甚數者。正合坤主吝嗇之道。皆可無慮。昧者不知此理。而但憑月事以分病之輕重。聞其不行。輒欲通之。竭澤而漁。不仁甚矣。

金匱云婦人病血虛積冷結氣經水斷絕

張景岳云經閉有血鬲血枯不同陽者病發於暫通之則愈枯者其來也漸補養乃充

沈按金匱三證積冷結氣有血不行也景岳謂之血鬲積冷宜肉桂大辛熱之藥導血下行後用養榮之藥調之氣結宜宣如逍遙散或香附烏藥行氣之品宣之虛者無血可行也景岳謂之血枯宜補趙養葵補水補火補中氣三法最為扼要

雄按補水勿泥於六味補火勿泥於八味補中氣勿泥於歸脾

寇宗奭曰童年情竇早閉積想在心月水先閉蓋憂愁思慮則傷心心傷則血耗竭故經水閉也火既受病不能榮養其子故不嗜食脾既虛則金氣虧故發嗽嗽既作則水氣竭故四肢乾木氣不充故多怒髮鬢焦筋痿五臟以次傳遍故卒不死然終死也比於諸勞最為難治

沈按此條亦從金匱虛字內分出實有是證但此證所願不得相火必熾非補水無以制之六味地黃湯補陰瀉陽固是妙法然脾虛食減倘嫌地黃泥膈炒枯可也不然以女貞易之顧名思義并瀉相火

雄按此證最難治六味礙脾歸脾助火惟薛一瓢滋營養液膏加小麥大棗遠志庶幾合法一瓢又有心脾雙補丸亦可酌用

婁全善曰。經閉有污血凝滯胞門一證。羅謙甫血極膏一味大黃為末。醋熬成膏服之利一二行經血自下。是婦人之仙藥也。

朱丹溪曰。肥人痰塞胞門。宜厚朴二陳湯。

沈按金匱論經閉有冷無熱非闕文也。蓋天暑地熱則經水沸溢。豈反有凝泣不來之理。潔古東垣降心火瀉二焦之說不可盡信。即骨蒸內熱亦屬陰虧。非同實火之可寒而愈也。

雄按王子亨全生指迷方。地黃煎以生地汁八兩。熬耗一半。內大黃末一兩。同熬候可九如梧子大。熟水下五粒。未效加至十粒。治女子氣竭傷肝月事不來。病名血枯。蓋瘀血不去。則新血日枯也。即內經烏鵲丸仲聖大黃蠶蟲丸之義耳。後人但知彼血枯為血虛。而不知血得熱則瘀。反用溫補。豈能愈此血枯之病。堯封亦為此論。毋乃欠考。

淋漓不斷一名經漏

陳良甫云。或因氣虛不能攝血。或因經行而合陰陽外邪客於胞內。

雄按亦有因血熱而不循其常度者。

月事異常

經云七七而天癸竭。有年過五旬經行不止者。許叔微主血有餘不可止。宜當歸散。產寶

主勞傷過度喜怒不時。李時珍作敗血論。三說不同。當參服證。

李時珍曰。月事一月一行。其常也。或先或後。或通或塞。其病也。有行期祇吐血衄血或眼耳出血。是謂倒經。有三月一行。是謂居經。有一年一行。是謂避年。有一生不行而受胎者。是謂暗經。又受胎後月月行經而產子者。是謂胎盛。俗名胎垢。有受胎數月血忽大下而胎不墮者。是謂漏胎。此雖以氣血有餘不足言。而亦異常矣。

雄按。有未及二七之年而經水已行者。有年踰花甲而月事不絕者。有無病而偶停數月者。有壯年而汎即斷者。有帶下過甚而經不行者。有數年而一行者。有產後自乳而仍按月行經者。有一產而停經一二年者。秉賦不齊。不可以常理概也。

血崩血大至日崩此是急病

素問陰虛陽搏謂之崩。許叔微云。經云天暑地熱。經水沸溢。又云陰虛者尺脈虛浮。陽搏者寸脈弦急。是為陰血不足。陽邪有餘。故為失血。內崩宜奇效四物湯。或四物加黃連。奇效四物湯。

當歸洗 川芎 白芍炒 熟地黃以上為四物 阿膠 父葉 黃芩炒 各一錢
又云。女人因氣不先理。然後血脈不順。生崩帶諸證。杳附是婦人仙藥。醋炒為末。久服為佳。每服二錢。清米飲調下。徐朝奉內人偏藥不效。服此獲安。

李按叔微理氣二字專主怒氣鬱氣傷肝故用香附理氣以和肝慎不可用破氣藥薛立齋云肝經風熱或怒動肝火俱宜加味道逍散

加味道逍散

當歸 白芍 柴胡 甘草 茯苓 白朮 丹皮 黑梔 加薄荷 薑棗煎

李太素曰崩宜理氣降火升提

金匱云寸口脈微而緩微者衛氣踈則其膚空緩者胃弱不實則穀消而水化穀入於

胃脈道乃行水入於經其血乃成營血則其膚必踈三焦絕經名曰血崩

趙養葵曰氣為陽主升血為陰主降陽有餘則升者勝血出上竅陽不足則降者勝血出下竅氣虛者面色必白尺脈虛大

東垣云下血證須用四君子補氣藥收功

又云人傷飲食醫多妄下清氣下陷濁氣不降乃生腹脹所以胃胱之陽不能升舉其氣陷下致崩宜補中湯

丹溪云有涎鬱胸中清氣不升故經脈壅遏而降下非開涎不足以行氣非氣升則血不能歸隧道其證或腹滿如孕或臍腹疼痛或血結成片或血出則快止則悶或臍上動治宜開結痰行滯氣消污血

沈按衝為血海並陽明之經而行故東垣丹溪皆主胃腕之陽不升顧其病源各異卒曰妄下未云疫鬱有腹滿如孕血出反快止反悶等證可認妄下則無有也非問不得戴元禮曰血大至曰崩或清或濁或純下紫血勢不可止有崩甚腹痛人多疑惡血未盡又見血色紫黑愈信為惡血不敢止截凡血之為患欲出未出之際停在腹中即成紫血以紫血為不可留又安知紫血之不為虛寒乎瘀而腹痛血行則痛止崩而腹痛血止則痛止芎歸湯加薑附止其血而痛自止

薛立齊云有婦患崩過服寒藥脾胃久虛中病未已寒病復起煩渴引飲粒米不進昏憒時作脈洪大按之微弱此無根之火內虛寒而外假熱也十全大補加附子崩減日服八味丸而愈又有久患崩服四物湯涼血劑或作或止有主降火加腹痛手足厥冷此脾胃虛寒所致先用附子理中湯次用濟生歸脾補中益氣二湯崩頓止若泥痛無補法則誤矣

沈按崩證熱多寒少若血大至色赤者是熱非寒儻色紫黑者出絡而凝其中有陽虛一證經云陽氣者衛外而為固也營行脈中衛行脈外脈外之陽虛失於護衛則脈中之營血漏泄既出絡脈凝而不流漸漸變紫變黑然必須少腹惡寒方可投溫